



國家清史編纂委員會・文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 一三四

沈歸愚詩文全集七十五卷（之一 年譜一卷歸愚詩鈔二十卷

歸愚詩鈔餘集十卷矢音集四卷歸愚文鈔卷一至卷十四） 沈德潛 撰

大宗伯沈公手次年譜紀少之攻苦力學過舍淹
遲晚之遭逢

帝眷恩施稠疊無虛語無矜辭質而不華簡而能
該洵儒林之典則也而論者遂謂公前否後泰霄
壤相懸不知公六十年以前固未嘗以為否六十
年以後亦未嘗以為泰也公厚倫敦本忠信孚朋
經明行修屢進屢抑確然自守不怨不尤徧覽群
書而析義理之中若將終身海內士大夫無論識
與不識皆中心誠服仰公為道德之宗人倫之範
固未嘗否也迨入翰林躋卿貳掌文衡

顧序

君臣魚水直陳民瘼推轂賢良表彰前哲

予告歸田晉階大宗伯初不以爵位自尊與鄉鄰
說孝友生徒論文章暇則抱卷哦咏蕭然若寒士
如未嘗泰也何霄壤之有詒祿炙公休風餘五十
年公當屈指後進中奉教久而知心深者無如詒
祿屬為之序茲譜之傳既可為讀書守道者勸且
以見學高望隆明良交泰之盛有迥非前代可及
者異日史氏亦當有所采焉

乾隆甲申夏五後學顧詒祿謹序

年譜

長洲沈德潛歸愚自訂

我沈氏本吳興人自處士始長諱壽四公於前明
洪武時采吳卜居葑門外之竹墩遂為遷吳始祖
二傳祖諱熾字岑雲明初人材官任黃州司馬

三傳祖諱官五孝子

四傳祖諱天庸

五傳祖諱見原庠生

六傳祖諱乾始

七傳祖諱勳字有虔一字愛筠成化中選貢官國

年譜

教忠堂

子助教歸里時商文毅公輅賦竹泉春雨詩贈行
嘗散財賑荒後遇盜劫盜知姓名即向時救已之
死者羅拜而去見長洲縣志中

八傳祖諱濟字懷竹長洲廩生

高祖諱植字葑野府學廩貢生

曾祖諱世烈字弘野國學生鄉飲介賓

誥贈內閣學士兼禮部侍郎晉

贈光祿大夫禮部尚書

祖諱欽圻字得興長洲生守戴良周黨之志隱居
教授臨沒曰我家德薄不以富貴功名望子孫願

鄉里稱善人足矣

誥贈內閣學士兼禮部侍郎晉

贈光祿大夫禮部尚書

考諱鍾彥字美初家無擔石苦志課誦游衍藝苑不求般聞易簣時曰我無他言即先訓所云為善後人世守可也

誥贈內閣學士兼禮部侍郎晉

贈光祿大夫禮部尚書

康熙十二年癸丑十一月十七日辰時先妣

誥贈夫人晉贈一品夫人褚太夫人生子即德潛

年譜

二

教忠堂

十三年甲寅年二歲周歲日先祖父圖章二方一

沈潛之印一玉堂學士心竊喜於潛字上增一德

字因命名曰德潛

十四年乙卯年三歲

十五年丙辰年四歲

十六年丁巳年五歲初識字先祖教以平上去入之教及一切諧散會意轉注略能領悟五月患瘧

九月始愈寒熱時繼祖妣

誥贈一品夫人蔣太夫人抱置身上盛暑亦然此

思此德終身不能忘也

十七年戊午年六歲初讀書先祖問以平上去入及某平般下有入某平般下無入一一應對又問何以無入曰去般下不能有般也先祖曰是兒他日可成詩人賜五言一律

十八年己未年七歲七月飛蝗蔽天食禾殆盡八月隨先祖至蒼澤河宋氏讀書

十九年庚申年八歲隨先祖至宋氏館三月先祖病歸四月辭世是歲霖雨不息無麥禾七月隨先嚴至湯氏館讀書湯名光啟字式九工畫花卉誼甚厚先祖之喪依助成禮

年譜

三

教忠堂

二十年辛酉年九歲時水旱之後米價一石三兩家中童奴逃散戚族無依先妣簪珥衣服易盡先祖妣先妣每日各成燭心千枝易食暑寒不休有不給買豆麥屑雜飯中德潛館中歸見之淚下先妣曰吾兒食苦慣異日處逆境不為憂也嘗有青烏家過竹墩左右謂此間水勢環合宜有人文之秀先妣聞之私自喜謂其言果然應在我家然是時德潛祇完四書書經時作兒童之戲事後思之殊自媿也

二十一年壬戌年十歲仍在湯氏讀書湯氏喜誦

客常延吳中老蒼子因見褚蒼書篆顧云美苓文子豹止王勤中武邱三近正詣諸公是歲予讀易詩二經冬月先嚴辭湯氏館歸

二十二年辛亥年十一歲先嚴家中授徒先是荒歉時先祖妣謂先嚴曰家中食用不累汝所得館穀積以置膳田可也是歲長戚蔣氏託先嚴理家予代爲課徒以少佐饗殯課徒暇日讀左傳韓文一二篇略有領會夜讀唐律絕詩幾章

二十三年甲子年十二歲仍代先嚴課徒讀古文選本至李陵荅蘇武書魏徵十思疏李華弔古戰

年譜

四

教忠堂

場文胡詮彈秦檜王倫孫近封事等篇若有所得竊意他時亦能結撰古文是吾願也時湯文正公斌撫吳正已正物又連逢歲稔予雖童年亦知有生人之樂

二十四年乙丑年十三仍代課徒仍讀古文然時作嬉娛不能如向日之專矣先嚴時加扑扶十月先妣染風寒疾近療時切憂心

二十五年丙寅年十四四月先妣辭世年祇三十有一德潛竟為無母之兒眼淚中度日矣六月先祖妣相繼辭世治喪後先嚴復之蔣氏晨出夜歸

子與幼妹二人衣食不周伶仃萬狀家業依然不振

二十六年丁卯年十五困苦不暇讀書惟取張江陵小通鑑時一流覽

二十七年戊辰年十六讀孫吳尉繚子三書私作戰守論一篇樂毅論一篇先嚴見之曰我誤此兒也旋與東鄰俞曾在兄議延師俞因薦渠表兄施星羽先生遂聘定先生諱燦字星羽長洲生孝友猶介堪為人師

二十八年己巳年十七先嚴賜字確士二月施師

年譜

五

教忠堂

來課時藝先正

國朝文間讀讀之若吾故物數十篇後并欲分所讀文之高下不自知為妄也四月篇成師有駁有賞嘗私謂曾在兄曰沈生文易於遇合不似吾輩之艱難子聞之竊自喜是歲與曾在兄季妹締姻

二十九庚午年十八時文八家間讀曾詠絕句四章師止之曰勿荒正業俟時藝工以博風雅之趣可也冬月師知家嚴無力遂辭館歸師弟依依幾於泣下

三十年辛未年十九受業蔣師師諱濟選字覺周

長洲生端方正直五經紛綸時館於濟東道宋公諱廣業家每逢誦期聽講者衆館舍幾不能容宋公子育民與子善謂唐有沈宋我二人他日成名亦當以沈宋稱但唐之沈宋人品庸劣吾輩磊磊落落有所樹立並稱沈宋是所願也子曰兄言是也是歲縣府試俱錄始應院試

三十一年壬申年二十院試應長吳二縣學使者學士許公諱汝霖於錄取二十五名外批示備卷十餘名批予吳縣卷云首篇合格次析理未精首題父作之合下二節次題知其性也句雖未采錄

年譜

六

教忠堂

因此竊自勵也是歲育民驟亡同學多哭失教者三十二年癸酉年二十一巡撫商邱宋公諱肇觀風取二名總河遂寧張公諱鵬翮觀風取二名藩臺山左張公諱志棟觀風取一名五月後鈔讀史記漢書暇讀漢魏樂府學成古文

三十三年甲戌年二十二縣試取六名府試取五名院試取二十名為長洲博士弟子員學使者參議猗氏邵公諱嗣堯理學名臣劉正特立江南學臣之清介自公始也七月中施師辭世設位哭之三十四年乙亥年二十三館句容籍周氏從學者

張生渭徵視予猶父科試三等六名學使者少司馬遂寧張公十二月贈夫人晉贈一品夫人俞氏歸俞長齋親操井臼有王孺仲妻之風稱同志焉三十五年丙子年二十四館周氏同朱恭季奕恂陳師洛世治倡和詩篇七月之句容錄遺連旬大雨至二十日四山出蛟共四十餘處雷霆助之水暴漲丈許城外漂沒無算城中人多受傷應試人有溺死者予僅而免八月朔至省赴試歸

三十六年丁丑年二十五先嚴墓先祖妣妣繼祖妣先妣於王家田之姜村自封壽穴人謂墓地

年譜

七

教忠堂

不吉應喪子衆勸遷葬予謂我家本無求福不須吉地且命賦於天非地所能生死也後卒無恙秋歲試一等廿一名學使者少宗伯滄陽張公諱榕端

三十七年戊寅年二十六館於家多從學者四月應張岳未景崧家詩文會岳未偕予請詩學於橫山葉先生先生諱燮字星期為詩古文名家冬科試二等一名

三十八年己卯年二十七館大姚邱張氏秋應省試歸榜首桐城方靈皋苞得人為盛是歲與徐龍

友夔交

三十九年庚辰年二十八仍館於家秋扶病歲試一等十三名學使者張公諱泰交

四十年辛巳年二十九館九鳴佩家太史西堂先生鳴佩世父也見予壯固懷古金陵咏古及景陽鐘歌等篇謂令嗣滄湄宮贊曰此生他日詩名不在而輩下予聞之竊自慙也三月長女生科試二等

四十一年壬午年三十滄湄先生每以詩索和見予吳江道中詩有湖寬雲作岸邑小市侵橋句曰年譜

八

教忠堂

何臧劉文房見和亦園書興詩有半壁夕陽山雨歇一池新漲水禽來句曰何臧許丁卯張匠門先生見予擬古樂府一冊曰古調不彈此伯牙琴絃也予恐負諸賢歎賞益思致力於詩秋應省試四十二年癸未年三十一秋橫山先生卒先是先生以所製詩古文并及門數人詩致書於王漁洋司寇至是漁洋荅書極道先生詩文特立成家絕無依傍諸及門中以予與張子岳未永夫不止得皮得骨直已得髓又謂河汾之門詎以將相為重滔滔千言惜先生不及見矣九月歲試取二等學

使刑侍韓城張公諱廷樞十月先嚴五十壽辰四十三年甲申年三十二館中無事賦詩自娛科試一等冬月江陰翁子霽堂過予定交

四十四年乙酉年三十三彭侍講南畝先生招予會文首題不逆詐一節次題水由地中行二句評定合格卷三子與徐達夫殿撰習戴展宮詹謂三人俱可中約略沈生居先是科達夫中式甲午載展中式遲至三十三年予始中秋聞可感也秋赴省試

四十五年丙戌年三十四館滄湄先生家課徒暇年譜

九

教忠堂

講求聲律予詩成先生必指瑕賞瑜先生詩成亦邀予評定一字未安輒改前輩中無此虛懷也歲試學徒昭嗣入泮名秉元予試三等學使者山西侍講魏公諱學誠

四十六年丁亥年三十五予與張子岳未徐子龍友陳子達九庵思張子永夫錫祚結城南詩社每課五題古體五言七言各一律體五言七言各一絕句一或五言或七言面成一詩餘俱補成一月一舉社中序齒批閱匡九嘗謂已詩如南粵趙佗歌霸一方不奉朝請龍友詩如孫策用兵幾同項

羽但恐中道摧折永夫詩如殘雪在嶺孤鶴唳空
岳未詩如金碧樓臺無問賢愚咸思登眺謂予詩
如文叔用兵遇小敵怯遇大敵勇聞其談諧一座
笑樂冬月科試復列三等

四十七年戊子年三十六春月始遊鄧尉銅井西
磧諸山至漁洋山乃歸作遊漁洋山記秋應省試
四十八年己丑年三十七春月同謝立夫有輝曾
葉生介福樾亭上人岑霽同之杭州遍遊西湖以
韶光飛來峰為最勝寓靈隱寺與周子允武永銓
弟欽萊準交遂成詩友欽萊旋改字迂村情好
年譜 十 教忠堂

尤密垂五十年秋歲試一等七名學使者為宮允
海寧顓木楊公諱中訥

四十九年庚寅年三十八子婦年四十贈以詩云
顧我無才勞馬磨憐君有淚灑牛衣又云曉寒龜
手親提瓮夜永篝燈伴著書又云出塞未須愁失
馬過河曾為泣枯魚皆非虛語也秋月下利幾殆
昏去者三先嚴檢方書以服後療之兩月始安
五十年辛卯年三十九二月學使者太史銅仁張
公諱元臣科試予復三等秋省試文已入彀矣主
試趙太史諱晉於春秋房無憑文去取者搜得要

人將上草榜而復去之命實不猶無可憾也房考
雷化李為予詳述闈中事自云無力與爭甚愧贈
膏火資聊以贖已誓云

五十一年壬辰年四十更字歸愚何義門太史珍
子律詩為顧子嗣宗言之嗣宗先聞張匠門太史
言至是攜詩稿來索校勘予悉心點定之遂成至
交十一月官庶江夏胡公京蒙諱潤來試士予列
二等寓中遇母難日詩云真覺光陰如過客可堪
四十竟無聞中宵孤館聽殘雨遠道佳人合暮雲
第四語為一州七邑諸名流也小除夕胡公邀往
年譜 十一 教忠堂

新歲之江陰署中選

萬壽作人詩明年春月添

恩科并閱通省遺才試卷

五十二年癸巳年四十一元旦次日同朱子恭季
陳子師洛之江陰隨學使之句容署閱卷選詩二
月朔赴省應試歸館錢萬策家四月合家染疫先
嚴尤危禱於天因服後回生冬月六十壽辰拜祝
者遠及他郡邑崇明施覺庵吏部金壇王丈耘渠
吳江計丈希深太倉家台臣丈餘不能悉錄
五十三年甲午年四十二正月科試一等第六食

篋秋闈學徒尤秉元中式冬蔣師卒同門設位以哭

五十四年乙未年四十三館廣南籍方冀朔家方係九谷先生諱殿元子以詩學世其家弟東華尤愛客四方詩人來吳者每到方氏廣歌堂予因識蜀中費厚著弟滋衡廣南梁孝樺山陰楊可師錢唐家方舟無錫杜雲川太史諸人四月歲試二等學使者侍講學士閩中俞公諱正健清正與猗氏邵公同是歲予批選唐詩十卷名別裁冬十一月娶妾朱氏

年譜

十二

教忠堂

五十五年丙申年四十四前一年章有源次子樹叩字次聞與長女締姻正月送來讀書陳子樹滋借所選唐詩去八月初三生子乳名攀十一月科試二等學使者官允閩中林公諱之濬因俞公陞任京兆尹去也是歲予刻詩稿起名竹嘯軒又刻時藝名歸愚四書文

五十六年丁酉年四十五三月方冀朔長子燮字孟調與撫養姪女締姻七月赴省試時金陵文會與會者儲六雅王耘渠王罕皆曹諤庭東聚五荆其章蔡芳三顧天山顧嗣宗諸公時藝詩古文各

一場後補送猶有前代壬申文選之風也十月唐詩選本樹滋從廣南刻成寄來囑予補序是月選古詩源起

五十七年戊戌年四十六予同東華樾亭上人之杜雲川太史家明日同遊惠山至石林精舍晤天鈞道人過貫華閣忍艸蒼尋碧山吟社遺址各系以詩亦韵事也三月江鎮道柏鄉魏公念庭諱荔形來吳見予詩文聘往課子五月歲試取二等學使者太史昆明謝公諱履厚六月赴魏氏館學徒二人士敏壯徵一國學生一諸生館課甚簡因肆力於詩古文文成六十餘篇詩成百餘首暇日出遊金焦北固識詩人余京字文圻時相倡酬魏公見其詩欲召之見余曰往役義也以詩為羔鴈非義也魏公益重之十一月撫女歸方氏學使發題試古學古文詩賦共五題予作全卷

五十八年己亥年四十七二月同壻次聞赴館選古詩源完前此批泰州牧宋強齋文百篇強齋名生河南解元施愚山所取士至是以書來云當吾世與先生並生余之幸也與先生並生而牽於職守不得見先生余之不幸也云云強齋何有是言

年譜

十三

教忠堂

緣霽堂翁子在署中時相推激故不免出於過情也學使出古學案子名第一七月得先嚴患病信急歸已斷飲食本中暑未清諸醫誤認虛症以八味湯參朮治之日甚一日不孝禱於城隍神及關公宿請命於天乞減已算以全父命均不應至晦日夜亥刻囑不孝曰我無他言願汝為善人足矣遂逝總之不孝有虧子道未知醫理故少歲為無母之人中年又為無父之人天降之罰諸庸醫何足云也九月上旬治喪中旬十六日啟壽域下窆壙中暖而潤有藤蟠結人云吉地自逝日至葬日

年譜

十四

教忠堂

天氣晴和未嘗遇雨人謂作善之報云

五十九年庚子年四十八仍赴京江館四月士敏壯徵將歸柏鄉應試予辭歸魏公堅留曰兒子雖去我老友受切磋可也及見予南徐寓中作歌六首知歸志已決允辭將別題予萬峰獨立圖云峰峰卓立斷躋攀筇屐逍遙鳥道間試問此翁登眺後何人更上萬重山又贈詩二章末云他時旌節臨吾土便合掃門迎故人五月歸旋館于施偉士家

六十年辛丑年四十九魏念庭以所注莊囑逐篇

加評如其命報之又成讀莊子篇念庭來書謂一字不改付刻然自題先生注莊與余或同或異相視而笑莫逆於心可也九月朱子受采邀遊陽山登絕頂下過大石壁上鐫石田翁史明古五言古詩讀竟下尋滴水巘而還亦勝遊也十一月次聞壻來就婚十二月刻時文稿成

六十一年壬寅年五十刻詩稿成刻古文稿起三月聯北郭詩社魏念庭以所注老子來索評如前十月之湖州遊岷山道場山何山弁山諸勝十一月生辰途中成詩二律聞

年譜

十五

教忠堂

聖祖仁皇帝升遐六十一年深仁厚澤普天漸被哀詔到日旄倪哭泣如喪慈父母旋頒

世宗憲皇帝即位詔恩欵稠疊民顙顙翹望焉

雍正元年癸卯年五十一四月鄉試因會試移八月也試事畢先遊城內烏龍潭清涼山謁卞忠貞祠次遊城外鷗鳴山臺城觀萬石臥鐘次拜孝陵探靈谷倒出泉諸勝文雖不遇暢遊而歸舊徒魏壯徵壯闡中式七月王文耘渠來吳招予至程湧虹家酒半謂予曰子詩我熟者幾半而無一言相贈何也恐予不信座間誦如瀾翻予深知已之感

明日作長歌一章贈之

二年甲辰年五十二二月

恩科鄉試試日文躊躇滿志以失寫年號不能終場三月赴生田王子鶴書家館徒名懋實主欵洽七月郡司馬溫理齋諱而遜見予詩文來聘課徒予辭王氏允之挈徒往八月學使者少司馬法公淵若諱海來歲試予投卷後明晨命入院閱生童文凡九日所閱文咸當意案取一等第一評理學到家予烏敢當也冬月浙撫李公鹿山諱馥去官寓吳以詩稿索動筆札中詞極謙下直筆應之公

年譜

十六

教忠堂

枉過曰余入仕後始作詩自知膚淺見者俱極推許余自疑今先生去多取少見直道在人也遂定交略分位焉是年蟲災風災霜災

三年乙巳年五十三溫公轉太倉州任因館太倉七月間徐子龍友歿於廣南失一良友矣八九兩月間太倉嘉定崇明考卷十月學使閣學海塩俞公叔穎諱兆晟按崑科試取予一等第一原卷評融化經言佐以議論董醇賈茂兩者兼之覆卷評金石奏而蟋蟀之鳴自破進見日謂子文寄浙中到處鈔謄矣相待有國士之目歲終古詩源刻成

還明詩起

四年丙午年五十四溫公陞蘄州守館在署中二月元和令江公之煒聘修志書予分得學校水利人物藝文矢公矢慎越二載共成此書後為俗子改壞有俟重修可惜也八月省試一二場文已入彀矣三場首策為收卷吏徐姓者以水洗去印上一字遂致堂貼其人舊為武童予所保結已騎射而欲倩人作文啖予以利予力拒之至是為吏報復亦予之命也房考金匱令王諱喬林深為惋惜是歲秋月靈雨至明春始霽遂成大無

年譜

十七

教忠堂

五年丁未年五十五三月同學彭翰文啓豐中會元四月殿試復第一人祖孫會狀字內榮之府試予閱元和吳江常熟昭文四縣元和第一李炯吳江第一黃汝德常熟第一謝祖庚昭文第一陸國瑛後四人皆中式而祖庚國瑛與予南北同年亦佳話也七月過蘭雪堂王氏看素蘭主人遴汝出定武蘭亭武岡淳化帖宋徽宗御畫黃荃郭熙趙昌范寬諸畫本及宋高孝寧三宗官扇御書最後看元人襍畫如遊寶山而歸矣八月歲試二等一名學使者殿撰學士東昌鄧公諱鍾岳後與予同

官左右禮侍凡二年

六年戊申年五十六攀兒取名種松字樊成四月朔松兒生母朱氏歿療疾四年勞苦備嘗未嘗一日歡娛也五月施覺菴先生辭世吳中失一正人九月廬生景程名駿聲辭世十八年師弟情同骨肉喪予之痛惡能已耶十月溫公陞任觀察去解館歸十一月科試取一等三名

七年己酉年五十七正月之虞山從興福寺破龍澗上山至絕頂望海墩下過劍門至拂水巖遇雨下山作雨中遊虞山記黃遵古作圖王僉憲子重

年譜

十八

教忠堂

諱材任贈詩倡和連日歸四月移居木瀆山塘愛其山水之秀人物之朴也八月赴省試歸與諸同人遊茶塢山牛眠堰等處歸作遊記冬月學使鄧公招往江陰欲薦予大優謂可得縣令自付無作外吏才辭之

八年庚戌年五十八正月同盛子庭堅遊篁村竹塢過落木庵古龍菴等處歸過北峰得支道林葬衣冠塔有永和六年十一月初一日第一代傳法僧十六字在右軍修禊前也字渾朴可貴二月仍館鶴書家學使宮詹桐城張公葑齋諱廷璐於五

月按蘇月課歲試予名俱第一進見時蒙許文行並高予何敢當惟自易而已七月內子六十贈以詩有長齋非佞佛達理不闕書句道其實也是年專攻時文共得百篇

九年辛亥年五十九正月寓古龍菴成說詩碎語二卷付鳴謙上人北平少宰崑圖黃公未遊鄧尉相遇於四宜堂曰想慕數年於遊山相見猶鳳皇芝草也下士同鹿山李公三月浙督李公聘脩浙江通志西湖志赴館總裁學士沈公西園諱翼機太史傳公閩陵諱王露陸公聚綏諱奎勲囑先修

年譜

十九

教忠堂

湖志分水利名勝祠墓志餘四門徧覽載籍時率松兒往來湖上到處尋訪迴憶前遊相距二十三年猶夢寐也同人會合時相倡酬尤契合者方文翰張存中陳葆林諸襄七屬太鴻周蘭坡王介眉諸公不必出門求友矣八月十八出正陽門觀潮未刺潮自龕赭兩山間入始如白線或斷或續少頃如雷怒如萬馬奔騰高二丈餘分如銀山兩座駕空而來至富陽始平真天地偉觀也十月所分志成又分通志圖說歲暮松兒與蔣氏締姻係天休表弟女

十年壬子年六十二月初趙谷林招遊西溪自松
大塲沿溪而行兩岸竹林梅花或斷或續溪流活
活山色如黛至永興寺有馮開之先生手植綠梅
枯而復生枝有艾菊次及溪樵菴雨花庵一路人
行如入竹海中衣襟皆綠有西湖之穠麗不可無
西溪之靜深也三月圖說成即辭歸四月科試名
在第一試古學震澤賦詩學源流論范文正公祠
堂碑記玉山晴望姑蘇懷古五題名復第一科試
卷評理境通明從容合節策亦原委瞭然古學卷
評諸體並擅精能鼓吹六籍斧藻羣言洵藝林鉅

年譜

二十

教忠堂

手也閏五月織造海公保聘脩通鑑有情有文七
月次聞婿病歿相依者十七年忽遭慘變雖有遺
腹男女未知極人生之不幸矣八月省試門生中
式者三謝于蕃浙闈金燾北關溫葆經副榜一彭
廷掄予仍不過十月松兒完婚十一月子母難日
為周甲辰顯揚然期流涕而已聞學使張公晉少
宗伯聯任

十一年癸丑年六十一正月歸章門女生遺腹男
大幸事也名日照是月子取陳氏妾二月海公閱
兵京口予同往時惠仲孺學士去學使任脩京江

城往晤絕不談困苦顛連而以得暇窮經為喜若
去官放廢天造成其稽古之力者吾鄉讀書種子
也後

上知其清節受謗

召還四月學使張公月課八司歲試予名俱第一
評月課卷云虬枝鐵幹蒼翠摩空盤盤元氣生雲
烟千年脂髓化靈珀此物此志也評歲試卷古槎
架險體質蒼堅不屑與落蕊漂蘋爭妍闢媚邀進
見行賓主禮命點勘詩稿作序易稱先生蓋異數
也九月妻兄俞曾在兄去世親戚中失一謹慎助

年譜

二十一

教忠堂

我之人

十二年甲寅年六十二三月幼妹歸羅氏時
詔舉博學鴻辭縣令沈諱光曾以札幣來聘予以
學術淺陋辭文宗召往堅命應

詔五月督撫學三院考試題係硃批

上諭頌時雨賦一實萬分論三才萬象共端倪長
律十二韻與試三十一人取六人予名第三第一

孫見龍癸巳會元第二孫天寅舉人第四倪承茂
第五吳龍見第六朱厚章期明年具題赴京八月
所纂通鑑成辭海公歸明詩別裁成

十三年乙卯年六十三時下

詔發帑修歷代忠臣賢士祠墓制府高文良公諱其倬以前明大銀臺徐公念揚諱如珂未有顯績欲議不與名賢之列予進見力言其持身之正且吳中擊殺緹騎事魏忠賢欲多殺吳民以示威公與魏私人顧秉謙言吳民豈肯駢首就戮持之急必發相公祖墓奈何秉謙泣請於魏止戮五人有隱德於吳甚鉅公允予言入告祠墓並脩四月予偕同郡倪稼咸武進吳恂士入都松兒隨行定寓後日課古學四方名流時會合不荒正業也八月年譜

二十一

教忠堂

薦舉諸生許應北闈試子循例入場不遇二十有三日

大行皇帝升遐衆大臨於順天府越日

今上即位以明年為乾隆元年未一月用人行政咸有堯舜氣象如行三年喪蠲免雍正十二年以前積欠召還朱可亭軾楊賓實名時諸正人禁止天下言祥瑞者解散僧人羽流議減關政鹽政等項古所云立斯立邁斯行綏斯來動斯和非虛語也吾儕何幸生當其世耶閩南鄉試錄門人干令儀中式十二月移寓彭芝庭宮允家松兒課其二

子紹謙紹觀家柩園名廷芳來受業

乾隆元年丙辰年六十四仍日課古學暇日同霽堂之程子萼江寓樓閱蔡君謨書札黃山谷書蘭相如列傳司馬端衡米虎兒合作山水黃大癡富春山居圖梅道人夏山欲雨圖皆希世珍從安氏三房借得者所嬾主非其人殊為可惜八月應北闈試不遇九月

御試保和殿五六天地之中合賦山雞舞鏡詩七言長律十二韵黃鐘萬事根本論二場經解一史論一閱卷者鄂文端爾泰張文和廷玉二相公少年譜

二十三

教忠堂

宰邵基取一等五人二十人柶園姪中二等子失寫題中字以不合格不過同稼咸歸舟中有附舟棄妾死斂金以殮俾其遺觀還故鄉予與稼咸作妾薄命詩弔之到家雖失意歸歌吟嘯呼無戚戚容也學使張公歲試按崑進見慰勞再三謂古今晚遇者多仍宜應試感公誠懇從其命是科門人王琢如其章南闈中式

二年丁巳年六十五館舊使蔣子宣重光家批唐宋八家文選明墨及和穀二集師弟切磋怡然樂也會榜發中門下士二人一王其章一溫葆經六

月李芥軒子天根乞草專人墓志芥軒無錫詩人
天爵自尊真誠待物晚盲於目詩益工與予交三
十餘年膠漆契也志銘中自信無失實語九月同
黃子若木之西洞庭旬日遊石公山明月灣訪毛
公壇入色山經林屋洞過消暑灣上縹緲峰望大
小龍渚無境不佳而石公山脚三面空中多竅或
如堂皇或如象鼻蟠龍飛禽走獸之類幾不可狀
林屋洞門為水所漬不能入也居民以田園樹藝
為業重氣誼敦本行路無婦人無乞丐無催租隸
無為僕妾者武陵桃源疑即在此間云

年譜

二十四

教忠堂

三年戊午年六十六三月張公科試名第一評文
非腹笥不辦而一往疎古近曾子固學西漢人文
字進見付第三次歲科文批選頒行多有聲有光
者五月大中丞昆明楊公諱永斌延予入署閱觀
風卷兩月甫畢公內任少宗伯即辭出八月省試
九月榜發中第二名至是共踏省門一十七回矣
主考少司冠安州陳公名德華宮詹嘉善許公名
王猷房考武進令趙公名錫禮皆正人也論表五
榮主司謂寢饋融決於古皆進
呈十一月歲科卷刊刻告成張公還

朝公蒞任九年未嘗輕辱一士人與相接如坐春
風中去任後士林思慕之十二月同倪稼咸兄姪
綬維計偕北上

四年己未年六十七一路到京同稼咸倡和共五
十餘章已成秩矣二月應春官試中六十五名總
裁大學士泰安趙公諱國麟篆江西甘公諱如
來少司冠長白留公諱保少司馬上海凌公諱如
煥房考學士閩中吳公諱履泰對房侍御廣西陳
公諱仁皆正人

殿試二甲第八為莊有恭榜進士臚唱日成詩落
句云天半倘逢雲五色魏公碩望在同朝

年譜

二十五

教忠堂

賜坊儀文綺有句云千絲織作憐寒夜九字翰將
識苦心

朝考第三看驗日

諸王大臣六人大司冠尹公繼善云第八名為江
南老名士極長於詩大學士張文和公云文亦好
因挑選一等內五月

皇上御勤政殿引見新進士越日

欽點庶吉士老年艸野之士得與館選有句云許
親香案稱仙吏望見紅雲識

聖人紀

君恩也六月

欽點教習師大司寇尹公少司寇今大學士劉公統勲劉公憂歸旋

點少宗伯吳公家騏八月館課第一尹公謂論說與贊顛撲不破不得以辭華目之十一月乞假歸里

五年庚申年六十八仍課徒於吳江同里袁氏從學者袁生質中吳生南勤數學相長子成時藝復得數篇外人來勦者稀此間頗有樂趣也五月於年譜

二千六

教忠堂

北濠趙氏閱趙子昂臨黃庭蘇東坡橋頌宋元明人跋甚多皆真跡又閱宋元人畫團扇係李營邱郭忠恕郭熙范寬馬遠李唐劉松年趙大年蕭照夏珪黃子久趙仲穆盛子昭諸人本項子京家物趙氏雄於賞得而有之然雲煙過眼不知能守與否也七月內子年七十贈以詩云苦諳黃蘗味澹采白蘋花落句云慇懃勸偕隱肯戀七香車皆紀實語是月詩古文稿刻成九月家柵園太史書來云同人想望宜早赴詞館十二月買舟北行

六年辛酉年六十九二月入詞館教習師為大家

宰今大學士鐵崖史公貽直大司寇阿公克敦勤於館課子共成賦四十餘篇而中和節進農書大狩禮成太學石鼓經緯史諸賦為館師獎賞者四月松兒來京應試并考職九月妾陳氏來是月北榜發中門生凌來吉鈞北人王莊閔南榜中門生李勉百繩冬月續刻古文稿續批八家文百餘篇

七年壬戌年七十四月十九日散館

御試題王屋非堯心賦春蠶作繭詩五言八韵限咸字

年譜

二千七

教忠堂

上御寶座命諸臣俱坐作文見臣德潛年老詢及姓名籍貫越三日等第分第一表曰修德潛名第四留館六月九日輪班引見共十人

上諭張中堂云沈德潛係老名士有詩名命和消夏十詠五律餘願和者和時同和者編修表曰脩蔣麟昌鞠遜行檢討廖鴻章陳世烈於內閣軍機房分給筆札

賜飯及瓜果午刻走筆未刻和就進呈明日

頒賞德潛紗二葛紗二餘二匹一匹有差七月侍